

05536



(9)

文祖正訂寒溫條辨卷三

頭痛

太陰少陰有身熱而無頭痛、蓋二經皆不上頭故也、厥陰有頭痛而無身熱、蓋厥陰與太陽會於巔也、若身熱又頭痛、皆屬三陽經也、傷寒太陽頭痛發熱惡寒無汗、麻黃湯頭痛發熱惡寒有汗、桂枝湯陽明頭痛不惡寒反惡熱、白虎湯不大便、調胃承氣湯頭痛甚者必衄、葛根湯去大棗加葱白、少陽頭痛、頭角痛、或耳中痛、或口苦發熱、或往來寒熱、脈弦數、並宜小柴胡湯、厥陰頭痛嘔而吐沫、吳茱萸湯、又厥陰頭痛、脈微浮爲欲愈、如不愈、小建中湯、若溫病頭痛、或頭脹痛、乃邪

熱鬱結於內上攻頭面三陽斷不可發表輕則神解散清化湯治之重則增損雙解散升降散合內外而治之裏氣一通頭痛自止不可拘傷寒頭痛當解表不可攻裏之例也

麻黃湯 方見裏證門

桂枝湯 方見裏證門

白虎湯 方見裏證門

調胃承氣湯 方見裏證門

葛根湯 方見裏證門

小柴胡湯 方見裏證門

吳茱萸湯 厥陰頭痛嘔而吐沫少陰犯真寒吐利手足厥

煩燥欲死及寒邪入陽明食穀欲嘔者並此方主之

吳茱萸

三錢
揀淨

生薑

三錢

大棗

三枚

人參

一錢

水煎溫服

厥陰肝也寒邪內格故嘔而吐沫厥陰與督脈會於巔故頭痛少陰腎也腎藏中寒則上格乎陽而爲嘔吐經云腎主二便腎寒則大便不禁而爲利下手足得陽氣而溫內有真寒故令手足厥冷煩燥者陰盛格陽故令陽煩陰燥其證多危故曰欲死吳茱萸辛熱而氣厚專司開豁胸中逆氣經曰氣爲陽氣厚爲陽中之陽故能走下焦而溫厥陰少陰也臣以生薑散其寒也佐以參棗補中虛也

小建中湯 傷寒三四日心悸而煩及少陰惡寒腹中急痛

此方主之加黃耆蜜炙三錢名黃耆建中湯

白芍四錢酒炒桂枝二錢甘草二錢炙生薑二錢大棗二枚飴餠

三錢水煎去渣入飴餠融化服

醫方考曰小建中湯宜用肉桂枝則味薄故用之以解肌桂則味厚故用之以建中也愚按開後人補中益氣無窮之法門此方是也

續論曰桂枝湯中白芍桂枝等分用白芍佐桂枝以治衛氣小建中湯中白芍四錢桂枝二錢用桂枝佐白芍以治榮氣更加飴餠以緩其皮故名之曰建中則其功用大有不同耳

神解散方見發熱門

清化湯

溫病壯熱憎寒體重舌燥口乾上氣喘吸咽喉不

利頭面猝腫目不能開者此方主之

白殭蠶

三錢酒炒

蟬退

十個

金銀花

二錢

澤蘭葉

二錢

廣皮

入分

黃芩

二錢

炒梔

一錢

連翹

一錢

去心龍胆草

一錢

酒炒元

參

一錢

桔梗

一錢

白附子

五分

甘草

五分

大便秘

加酒大黃

四錢

咽痛

加牛旁子

炒研

頭面不腫

去白附

子水煎去渣入蜜酒冷服

其方名清化者以清邪中於上焦而能化之以散其毒也芩

連梔翹清心肺之火元參橘甘清氣分之火胆草清肝膽之

火而且沉陰下行以瀉下焦之濕熱殭蠶蟬退散腫消毒定

喘出音、能使清陽上升、銀花清熱解毒、澤蘭行氣消毒、白附散頭面風毒、桔梗清咽利膈、爲藥之舟楫、蜜潤藏府、酒性大熱而散、能引諸涼藥至熱處、以行內外上下、亦火就燥之意也、其中君明臣良、而佐使同心、引導協力、自使諸證悉平矣、

增損雙解散

方見陽毒陰毒門

升降散

方見陰證似陽門

身痛

凡傷寒、太陽病、身體痛、骨節痛、若惡寒無汗、脈浮緊者、麻黃湯汗之、若脈浮緩、惡風自汗者、桂枝湯和之、若風寒並中、脈浮緊而緩者、大青龍發之、少陰病、身體痛、骨節痛、手足厥、脈

沉者附子湯主之。然此陰陽二證，一般身痛用藥則相去霄壤。

浮沉之脈，要在指下辨識。若誤發少陰經汗，必動其血，或

從口鼻出，或從目出。

少陰脈入肺絡心，太陽脈起目內眥。

則爲下厥上竭而死。

或可以當歸四逆湯救之。凡一身盡痛，發熱發黃，頭上汗出，

背強，小便不利者，濕也。茵陳蒿湯。凡發汗後，身疼痛，脈沉遲

者，桂枝新加湯。凡身痛下利清穀者，表裏俱寒也。原文先救

裏，四逆湯。次救表，桂枝湯。若溫病雜氣熱鬱三焦，表裏阻隔，

陰陽不通，身體痛，骨節痛，以及頭痛項強，發熱惡寒惡風，目

痛鼻乾不眠，脇痛耳聾，寒熱而嘔，一切表證，狀類傷寒，實非

風寒外感之邪，通宜清熱解鬱以疏利之。如神解散，芳香散

升降散、加味涼膈散、增損雙解散之類、隨其輕重酌量用之、裏氣一清、表氣自透、而外證悉平矣、故溫病凡見表證皆裏證、鬱滯浮越於外也、不知者一見身痛頭痛發熱惡寒等證、便以爲傷寒、而用麻黃青龍以發其汗、則壞病蜂起矣、此卽所謂前一節治法、大有天淵之別也、王劉兩公、其先覺乎、

麻黃湯

方見表證門

桂枝湯

方見裏證門

大青龍湯

方見裏證門

附子湯

方見陰證門

當歸四逆湯

手足厥寒、陽邪陷內、四肢逆冷、脈細欲絕、陰

盛陽衰此方主之

當歸 二錢

白芍 二錢

桂枝 二錢

細辛 一錢四分

通草 一錢四分

甘

草

一錢四分

大棗

二枚

水煎溫服

加吳茱萸

二錢

生薑

二錢

酒煎名當歸四逆加吳茱萸生薑湯治前証內

有久寒者

手足厥寒脈細欲絕似乎陰證之極蓋由陽邪傳入厥陰榮分以本虛不能作熱故厥而脈細欲絕也此為陰陰是指厥陰經鬱

陽邪故用桂枝細辛以解表白芍甘草以瀉熱當歸以和厥陰之榮血通草以通太陽之本府使陽邪得從外解原非治陰寒四逆之藥也故藥宜歸芍以濟陰不宜薑附以劫其陰

也是證也。自表入裏，雖曰傳至厥陰，始終只是陽證。與陰寒
直中三陰不同，故不用四逆湯，而用桂枝湯，加當歸、細辛、通
草耳。明者自知之。

按昔人云：人有陰血虧於陽分，不能盛辛熱者，更宜此湯主
之。殊不知此惟有陽邪者宜之。若無陽邪而見此證，則是陰
血太虧矣。我之謂不旋踵，蓋細辛爲少陰中表藥，隨桂枝湯
以解肌，加當歸以和榮血。至於通草、甘淡微寒，能瀉丙丁，能
通水道，爲虛人者禁用。此湯治法，本是和榮血以緩脈，使陽
邪得從肌表而出，或從膀胱而泄也。若循其名以治陰虧寒
中之四逆，則謬甚矣。觀於傷寒論曰：若其人素有久寒者，宜

當歸四逆湯、加吳茱萸、生薑、主之、正如四逆散、本以散傳經之熱邪、腹中痛者、方加附子、則當歸四逆湯、非治陰寒四逆之藥也、明矣、更有一等、固守王道之醫、辨證不明、遇有厥逆脈細之證、不敢用四逆湯、但曰用當歸四逆湯、極爲穩當、不知此湯、乃桂枝湯、加當歸、細辛、通草耳、細辛隨桂枝湯、止能解表、通草又能疏通、最有力之藥、當歸一味、果足以治陰寒四逆耶、藥不對證、果可謂之穩當耶、甚矣其不明於製方之理、而以外錯誤病也、予前所云、用方貴明其所以然者、正謂此也、

茵陳蒿湯 方見裏證門

桂枝新加湯

汗後身痛脈沉遲者此方主之以桂枝湯解

汗後之風邪加參芍益不足之血脈亦兩解表裏安內
攘外之一法曰新加者因發汗新虛明非桂枝湯中之
舊法也

桂枝

三錢

白芍

四錢

甘草

二錢

人參

一錢

生薑

三錢

大

棗

二枚

水煎溫服

四逆湯

方見陰證門

神解散

方見惡寒門

芳香散

方見惡風門

升降散

方見陰證似陽門

加味涼膈散

方見裏證門

增損雙解散

方見陽毒陰毒門

不眠

陽盛陰虛、則晝夜不得臥、陰盛陽虛、則嗜臥不欲起、蓋夜以陰爲主、陰氣盛、則目閉而臥安、若陰爲陽擾、故煩燥而不眠也、溫病熱鬱三焦、陰不敵陽、大渴引飲、煩燥不眠、輕則增損大柴胡湯、重則增損雙解散、兩解表裏之熱毒以治之、若太陽傷寒、脈浮數、身痛無汗、煩燥不眠、大青龍湯、或桂枝麻黃各半湯、若發汗後不眠、脈浮數微熱、煩渴、小便不利、五苓散、若大汗後、胃中乾燥不眠、煩渴欲飲水者、少少與之、愈、脈數

大者、白虎湯或竹葉石膏湯、不用五苓、又太陽傷寒、脈浮以
火劫汗、亡陽驚狂、起臥不安、桂枝去芍藥加蜀漆牡蠣龍骨
救逆湯、陽明經病、目痛鼻乾不眠、葛根湯、內熱多加黃芩、知
母、若自汗、脈洪數、經府俱熱、煩渴舌燥不眠、白虎湯、若大熱
錯語、呻吟乾嘔不眠、黃連解毒湯、少陽病往來寒熱、口苦心
煩不眠、脈弦數、小柴胡湯、加黃連、梔子、若虛弱人、津液不足、
加酸棗仁、五味子、麥冬、少陰病得之二三日以上、心煩不眠、
黃連阿膠湯、生雞子黃、凡汗吐下後、煩渴不眠、劇者懊憹不
眠、此邪熱乘虛、客於胸中、煩熱鬱悶而不得散也、梔子豉湯
凡下後虛煩不眠、參胡溫膽湯、加味溫膽湯、

增損大柴胡湯 方見表裏兼證門

增損雙解散 方見陽毒陰毒門

大青龍湯 方見裏證門

桂枝麻黃各半湯 方見裏證門

五苓散 方見裏證門

白虎湯 方見裏證門

竹葉石膏湯 陽明汗多而渴、衄血渴欲飲水、水入即吐、及

傷寒瘥後、虛羸少氣、氣逆欲吐、並此方主之、

竹葉 二錢 石膏 四錢 麥冬 去心二錢 半夏 二錢 人參 一錢 炙

草 一錢 生薑 二錢 梗米 二錢 水煎溫服 本方去

不眠

石膏半夏薑米加柴胡黃芩名人參竹葉湯治汗下後煩熱口渴虛羸少氣之證

竹葉石膏之辛寒以止喘促散餘熱參草梗麥之甘平以益肺胃生津液生薑半夏之辛溫以豁痰飲去嘔逆此虛羸熱逆之良方也

桂枝回陽定驚去白芍恐其損陽加蜀漆龍骨牡蠣救逆湯

太陽傷寒脈浮此風寒兩傷也醫以火迫劫之亡陽此大汗不止也驚

狂神乃陽之靈陽衰則亂矣起臥不安者煩燥不甯此皆停飲上逆凌心也飲去則心神定矣

此方主之

桂枝 三錢 蜀漆 三錢 龍骨 四錢 牡蠣粉 五錢 炙草 二錢